

Ndebele - Bafazi Imibhalo - Wives Scriptures

Abase-Efesu 5:22-24 Bafazi, zehliseleni ngaphansi kwawenu amadoda, njengeNkosini, 23 ngoba indoda iyinhloko yomfazi, njengoba uKristu laye eyinhloko yebandla, njalo yena unguMsindisi womzimba. 24 Kodwa njengoba-ke ibandla lehliselwe ngaphansi kukaKristu, ngokunjalo labafazi kwawabo amadoda kuyo yonke into.

Abase-Efesu 5:31,33 Ngenxa yalokhu umuntu uzatshiya uyise ionina uzanamathela kumkakhe, njalo laba ababili bazakuba nyamanye. 33 Ngalokho ionke ngokukhethekileyo lani-ke, ngulowo lalowo kathande ngokunjalo owakhe umfazi njengaye; lomfazi ukuze ahloniphe indoda.

1 AbaseKhorinte 7:3 Indoda kayenanise kumfazi isifiso esihle esimfaneleyo; langokunjalo lomfazi endodeni.

1 AbaseKhorinte 7:34 Wehlukene umfazi lentombi. Ongathathwanga ukhathalela okweNkosi, ukuze abe ngcwele emzimbeni kanye lemoyeni; kodwa othethweyo ukhathalela okomhlaba, ukuthi uzayithokozisa njani indoda.

AbaseKholose 3:18 Bafazi, zehliseleni ngaphansi kwawenu amadoda, njengokufanele eNkosini.

1 uTimothi 2:11-15 Owesifazana kafunde ngokuthula ekuzithobeni konke. 12 Kodwa kangivumeli owesifazana ukuthi afundise, kumbe abe lamandla phezu kowesilisa, kodwa abe ekuthuleni. 13 Ngoba uAdamu wabunjwa kuqala, emva kwalokho uEva; 14 futhi uAdamu kakohlisiswanga, kodwa owesifazana esekohlisiwe waba sesiphambekweni, 15 kodwa uzasindiswa ngokuzala abantwana, uba behlala ekholweni lethandweni lebungcweleni langokuqonda.

uGenesisi 3:16 Kowesifazana wathi, "Ngizakwandisa gokuphindiweyo izinhlungu zakho nxa ubeletha; ngobuhlungu uzazala abantwana. Inkanuko yakho izakuba sendodeni yakho, yona izabusa phezu kwakho."

1 uPetro 3:1,2 Ngokunjalo bafazi, zehliseleni ngaphansi kwawenu amadoda, ukuze kuthi, uba-ke bekhona abangalaleli ilizwi, ngokuhamba kwabafazi bazuzwe ngaphandle kwelizwi, 2 enanzelela ukuhamba kwenu okuhlambulukileyo ekwesabeni.

uTitosi 2:1-5 Kodwa wena khuluma izinto ezifanele imfundiso ephilileyo; 2 amadoda amadala ukuthi azithinte, ahlonipheke, engaqondileyo, ephilile ekholweni, ethandweni, ekubekezeleni; 3 abesifazana abadala ngokunjalo ukuthi baziphathe ngokufanele abangcwele, bangabi ngabahlebayo, bangafuywa liwayini elinengi, abafundisi bokuhle, 4 ukuze bafundise abesifazana abatsha ukuthi baqonde, babengabathandi babomkabo, bathande abantwana babo, 5 abaqondileyo, bemhlophe, begcina amakhaya, belungile, bezechisela ngaphansi kwawabo amadoda, ukuze ilizwi likaNkulunkulu lingadunyazwa.

Izaga 12:4 Umfazi olesimilo ungumqhele womkakhe, kodwa umfazi

oyangisayo unjengokubola kwamathambo akhe.

Izaga 14:1 Umfazi ohlakaniphileyo uyakha indlu yakhe, skodwa lowo oyisiwula uayibhidliza ngezandla zakhe.

Izaga 19:13 Indodana eyisiwula iyamchitha uyise, lomfazi wendoda olenkani unjengamanzi athonta futhifuthi.

Izaga 21:9,19 Kungcono ukuhlala mazonzo ephahleni Iwendlu kulokuhlala ndlu yinye lomfazi olenkani. 19 Kungcono ukuhlala enkangala kulokuhlala lomfazi olenkani lolicaphucaphu.

Izaga 25:24 Kungcono ukuhlala ekhulusini lophahla Iwendlu kulokuhlala ndlu yinye lomfazi olomlomo.

Izaga 27:15,16 Umfazi olenkani unjengamathonsi angapheliyo mhlana kufefeza; 16 ukumkuza kufana lokukhuza umoya loba lokubamba okulamagcobo ngesandla.

Izaga 31:10-31 Ngubani na ongathola umfazi olesimilo? Uligugu elidlula kakhulu amatshe amahle. 11 Indoda yakhe iyamthemba ngokupheleleyo njalo kayisweli lutho oluqakathekileyo. 12 Uyenzela okuhle, hatshi okubi, empilweni yakhe yonke. 13 Uyakhetha kuhle iwulu lesikusha akweluke kuhle ngezandla ezikhutheleyo. 14 Unjengemikhumbi yabathengisi, eletha ukudla okuvela kude. 15 Uvuka ekuseni kusesemnyama; alungisele abomuzi wakhe ukudla abele lezincekukazi zakhe. 16 Uyayihlolisa insimu mandulo kokuyithenga; ngalokho akuzuzayo uyahlanyela isivini sakhe. 17 Uwubamba ngokukhuthala umsebenzi wakhe; aqinise izingalo zakhe emsebenzini. 18 Uyananzeleta ukuthi ukuthengisa kwakhe kulembuyiselo, lokuthi isibane sakhe kasicimi ebusuku. 19 Uphatha uluthi lokuphatha ngesandla sakhe abesebamba ngeminwe yakhe isigudugudu 42 sokweluka. 20 Welula izingalo zakhe kubayanga njalo ulezandla ezelula kwabaswelayo. 21 Lapho kukhithika ungqoqwane, kalakwesaba ngabendlu yakhe; ngoba bonke bagqoke ezbomvu. 22 Uthunga izigubuzelo zombheda wakhe; agqoke ilineni elihle lezigqoko eziyibubende. 23 Indoda yakhe iyahlonitshwa enkundleni lapho afika ahlale ndawonye lezikhulu zelizwe. 24 Uthunga iziggoko zelineni azithengise, abathengi bemigaxo bayizuza kuye. 25 Wembethe amandla lesithunzi; uyahleka loba kusiza izinsuku ezimbi. 26 Ukhuluma ngenhlakaniph, lezeluleko eziqondileyo zisolimini Iwakhe. 27 Unqinekela ezomuzi wakhe njalo kadli isinkwa sobuvila. 28 Abantwabakhe bayambonga bathi ubusisiwe; lendoda yakhe layo iyamendumisa ithi, 29 "Banengi abafazi abenza izimangaliso zobuhle kodwa wena uyabedlula bonke." 30 Ukubukeka kuyakhohlisa, lobuhle buyaphela; kodwa umfazi owesaba uJehova kadunyiwe. 31 Kaphiwe umvuzo wobuhle abenzayo, imisebenzi yakhe imlethele udumo enkundleni.

Pastor T. John Franklin

Church of Salvation, Healing, and Deliverance

COS-HAD.org